

四庫全書

史部

欽定四庫全書

史部
廣西通志卷四十三

詳校官給事中臣鄧文泮

檢討臣德生覆勘

總校官進士臣

朱鈴

校對官中書臣

李奎

謄錄監生臣

徐天駿

欽定四庫全書

廣西通志卷四十三

寺觀

佛老之說流傳中土而不廢者證因果崇報應亦所以動民為善鑒惡意也粵西邊嶠大雲之建傳於唐柳子厚記而資壽寺六祖院亦載宋史五行志他如琳宮紺宇縑流羽士之所棲託鼓鐘響答徧及巖陬水涘間順人情而導之非有當於聖人

神道設教乎乃若矜老慈幼善政所先循其績而弗墮俾夫鰥寡孤獨者於斯養也莊嚴雖異所謂福田功德豈有殊焉故并及之志寺觀

桂林府

臨桂縣

附郭

萬壽寺在文昌門外隋時建名開元寺宋天禧間改寧壽元順帝賜書圓覺二大字明洪武二年燬於火十六年重建改今名

國朝順治十五年三等伯線國安重修

定粵寺在府城東北順治八年定南王孔有德建
棲霞寺在城東七星巖下唐時建內有藏經樓聽
月亭壽佛洞香積廚

國朝順治八年僧渾融擴建殿閣亭臺備極宏麗為
一郡佳勝

安仁寺在府城東江門外明正統十四年靖江王
建

鐵佛寺在府治北

雉山寺在雉山之陽宋陶弼有宿雉山寺江亭詩
西山寺在府城西古名資慶寺順治十八年線國
安重修

南院寺在府城南門外順治初定南王孔有德因
紹慶寺舊址重建康熙七年重修

廣福寺在府城北二里順治八年定藩左翼總兵
全節建

慶林觀在七星山下一統志唐太宗幸九成宮觀
桂州所貢瑞石文乃命檢校桂州總管李靖考所
得石地建觀賜名慶林

五嶽觀在府城西唐建名天慶觀宋為元妙觀咸
淳二年改今名

國朝順治十五年線國安重修

七星觀在七星山麓宋景定中建

國朝康熙六年巡撫金光祖重修

佑聖觀在文昌門外劉仙巖明靖江王建

國朝定南王孔有德修康熙二十五年巡撫范承勲
增修

元山觀在城南二里即宋之問故宅後名真山觀
紫極宮在府城東宋建元吳璋重修

觀音堂在府城西明崇禎四年進士張茂梧建
國朝順治十八年綠國安重修

七星庵在七星山元風洞前

養濟院在南門外

存恤院在城南

廣濟院在城東北七星山側康熙二十五年按察使黃性震建

熒獨院一在城內水車巷為南院一在北門內為北院康熙五十三年巡撫陳元龍捐建

育嬰堂在東關外阜成書院西康熙五十三年巡撫陳元龍建

漏澤園一在城南白龍洞側一在城東南龍隱巖
後一在城東北會仙巖前

靈川縣

大雄寺在縣城外東街宋嘉定間建元至元中重
修楊宗瑞有記明正統間知縣包至道遷城內後
燬嘉靖間重建

如意寺在縣南街唐開元中建明嘉靖間重建全
賜有記

國朝康熙五十八年知縣樓儼重建為慶賀習儀之所

龍泉寺在縣北唐貞觀間建

隆福寺在縣南四十里元皇慶間建

壽聖寺在縣西南五十里元大定間建

方廣寺在縣東三十里宋治平間建

寶積寺在縣西三十五里宋乾道間建

神珠觀在縣南二十里宋乾道間建

普照觀在縣西三十里宋紹興間建

崇真觀在縣東街元至順間建

青雲觀在縣西三十五里宋淳熙間建

福神觀在縣南三十五里元大德間建

紫竹庵在城東大雄寺右康熙二十一年知縣王

士空訓導毛文燦重修

聚雲庵在城東三十里

千佛樓在縣西北十里路江山麓

興安縣

寶塔寺在縣東北懷德坊宋宣和元年建

明真寺在縣西南十里乳洞前

南堂觀在縣南街宋時建明洪武十六年設道會
司於內

養濟院在縣東半里康熙四十年知縣劉國相建
二層六間五十六年知縣任天宿修陟河堤岸改
為民房

陽朔縣

鑑山寺在縣治南壽陽山下後唐同光中建佛殿
元至正己卯建佛母宮併轉輪藏明洪武十年就
寺設僧會司萬歷三十六年知縣王之臣重建
國朝康熙五年知縣陳洪疇修

報恩寺在縣西北宋景定間建明正統間知縣萬
霽修萬歷間知縣陳天德重修

廣慈寺在進賢里楓林村宋端平間建

定光寺在縣東城外倪家村後唐同光三年建

澄心寺在縣東南附郭里木山村宋隆興二年建

寶梵寺在縣東富和里宋慶元間建

普潤寺在崇富里歷頭街宋建炎間建

明覺寺在縣西南元至正三年建明萬歷乙未知

縣李栻重建

善興寺在縣西南永寧里楊梅莊宋端平間建

鶴洞寺在縣南白鶴山明萬歷間知縣王之臣命

工開闢題曰來鶴兼繪大士像

龍躍寺在縣西三里明萬歷間邑人莫之先創建等法寺在忠善里楊梅嶺宋嘉定間建

羅漢寺在縣南二十里廣福巖唐曹祠部鄴有詩宋時邑令周志行重修

北斗觀在縣北鹿山上

南斗觀在縣西門外

真武觀在伏荔市

長峰觀在大村

北極宮在縣北宋時建元至正間重修明洪武十六年設道會司正統乙丑知縣萬霽命道士文興童新之教諭蕭文郁有記

觀音閣在縣南壽陽山麓康熙十五年重建

祝國庵在縣西順治十五年知縣張之楫倡建康熙十二年知縣陳洪疇訓導權汝駿重修

騰蛟庵在縣西北橫倚江濱明萬曆三十七年知

縣童大成創建題曰騰蛟延僧棲守

大乘庵在縣北報恩寺前

普照堂在附郭里白沙灣

永寧州

太平寺明萬歷間知州唐執中建尋廢知州尹廷俊改建城之東北隅

大華寺在州南八十里雙瑞巖下明萬歷十八年

建

北極觀在州北門外

長壽庵在州南覆釜山右

清淨庵在州南門外

橋頭庵在州北二里

觀音堂在城東北過橋頭明萬曆十六年叅將劉
綖建

永福縣

上乘寺在縣東門外明洪武二年縣丞康孝良建

國朝康熙三年知縣黃朱鼎修

澄心寺在縣北鳳巢山元至元間縣尹郭宣美建
國朝康熙二十六年知縣陳以遠率邑人彭秀僧善
志重修

靈壽寺在縣東靈壽山明成化十八年僧寶山邑
民呂思恭募修

登雲寺在縣西登雲山下康熙二十五年僧道雲
募建三十八年邑人章爾溶募修

石佛寺在板塘里河陂村

龍興觀在縣東三十五里元至正八年邑人徐才
名募建

鳳巢庵在縣西門外康熙七年邑舉人劉廷璽捐
建

準提庵在縣西明國學生范炳元建

國朝康熙五年知縣邢謙重修

觀音庵在縣西康熙三十年僧清音募建

甘泉庵在東嶺明天啓七年知縣陸寬捐俸建

養濟院在縣西關城隍祠左明萬歷間知縣馬應斗遷於來儀亭前

漏澤園一在縣西城外厲壇之後一在縣東教場之荒嶺一在東郊大路底

義寧縣

香林寺在南門內唐咸通五年建

國朝雍正七年知縣許建重修為祝釐所

寶乘寺在縣西南十里宋紹興二十二年建

禪隱寺在縣西北五里宋淳熙間建

超果寺在縣西北八里宋嘉泰三年建

龍華寺在縣北十五里宋乾道三年建

浮洲塔寺在縣西門外後唐同光間建

國朝雍正六年重修

華嶽觀在縣西南二十里峭壁斷崖清泉統巖有

呂純陽題七絕詩二首字跡剝落不能盡識

佑聖觀在縣西北十二里宋嘉定二年建

靈山觀在縣西北十里宋嘉定五年建

聖德觀在縣北宋寶祐三年建

養濟院在南門外

全州

湘山寺在州西湘山之陽即報恩光孝寺無量壽

佛道場唐元和二年建宋紹興十三年賜額明洪

武十六年於寺設僧正司中有亭榭佳勝前後左

右大小庵院十六處皆極清雅

國朝康熙五十年知州沈元佐修五十二年

勅賜壽世慈蔭匾額巡撫陳元龍知州俞廷樾恭鐫石壁

高山寺在儒學西

盤石寺在西門外五里明崇禎間建

國朝康熙五十九年重修

能仁寺宋建黃庭堅有詩明正德間移建州之南

峰

吉祥寺在州西北宜鄉

興善寺在州北長鄉

鶴林寺在西延市

玄妙觀在城西舊名天慶宋改今名明洪武間於
觀中設道正司

棲真觀在州城內

玉宸觀在州東南恩鄉

普濟庵在州東昇鄉

雲歸庵在湘山寺側宋陶崇有詩

養濟院在西門外二里上馬頭

國朝雍正三年知州張學林修建四間

灌陽縣

慧明寺在縣西舊名梁興唐建宋大中祥符二年

賜額慧明禪寺明洪武初設僧會司景泰間僧志

仁募修張圭有記

大覺寺在縣北五十五里舊名潢潭宋熙寧五年
賜額大覺元至元間重修元貞元年復修唐堯佐
有記

梵安寺在伍家灣宋太平興國五年建

秀峰寺在縣東五十里隱士易希有重修

永寧寺在縣西六十里

淨慈寺在縣西南六十里

鹿苑寺在縣北六十里文村明成化十四年建

朝元觀在城東明洪武初建設道會司成化二十一年知縣劉虎重修譚如春有記

太清觀在縣西十五里江口明天順六年重建西竹庵在縣西南三十里巖塘

迴龍庵在縣北三里明正德間建李高有記

定慧庵在縣西三里羅家坪

養濟院在北城內

漏澤園一在教場西去城一里一在四板橋去城

東五里康熙二十五年知縣陳一朋捐貲買置立
有界石

平樂府

平樂縣

附郭

龍興寺在府城北晉建

南山寺在城外南岸

西山寺即定觀寺在樂山西

北山寺在城北十五里有天繪閣宋鄒浩嘗遊於

此明陳公相有北山寺詩

東山寺在府城下關舊傳銅佛三尊自夜半飛來
歷數十年後忽飛去俗因稱銅佛寺康熙三十二
年僧芬遠重建益復宏麗有碑記

永寧寺在府城西門外康熙二十四年副總文養
謚建清幽宏麗為諸刹冠

慶林寺舊志載宋郡守吳繹禱雨慶林寺甘露大
注今失考

資壽寺在龍嶽山宋大中祥符六年芝艸生

報恩寺在城內明嘉靖八年建

天慶觀在城東宋大中祥符間建

龍興觀在北關外每朔望知縣講鐸書處

一點空禪林在仙宮嶺下康熙八年知府楊榮蔭
建袁景星有記

壽佛庵在南關外古鎮粵臺地

地藏庵在仙宮嶺後康熙四十九年僧古奪建知

縣黃大成有為拾骸檢字僧募建寺置田疏

長壽庵在玄壇村

塘背庵一名佛慧庵又名金沙禪林在城內東隅
內有金沙池康熙四年重建三十七年復增建觀
音殿

紫竹庵一名張仙祠在城北樂水之西前奉千手
大士後奉張仙故名明萬曆間唐世堯建

蓮峰禪室在府城南蓮花岡前僧無虛創建

養濟院在社稷壇左

漏澤園在南關外獅子嶺下

恭城縣

萬壽寺在東門外本縣習儀講約之所

佛會庵在縣西城內明崇禎間建

紫微庵在城外江口黃牛石下康熙十二年知縣

曹林韻建扼縣城水口

祝壽庵在南城外明萬歷初建

國朝康熙四十四年知縣張載齡於殿左增建觀音
小院并八角亭

養濟院在東門外雍正三年建

育嬰堂在南門外雍正三年建

富川縣

江西寺在縣東南

報恩寺在縣東

丹霞觀在縣西三十里相傳張道陵於此上昇

竹葉庵在鍾山下

觀音閣在南門外有塔

養濟院在萬石倉右

漏澤園一在南門外大教場一在東廂外大嶺阪
一在北門古教場後一在西門外長嶺後

賀縣

沸水寺在瑞雲山麓宋時建

國朝康熙四十一年修其上有瀑布泉流不竭潺湲

可觀

三乘寺在縣東宋德祐間建

國朝雍正三年素膺善修

觀音巖寺在縣北門外明萬厯間知縣何天衢建
國朝康熙五十一年知縣韓牧吉修巖內石上有碑
記

浮山寺在城東南十里宋建

峽山寺在十八都

福壽寺在白沙村

賢天觀在桂嶺江口

玉虛觀在承宣坊宋建鄒浩有玉虛觀詩

準提庵在城內東南康熙六年府通判白鰲宸修
正覺庵在二十一都康熙四十二年里民黎士魁
修

玉皇樓在浮橋頭

養濟院在北城外

漏澤園在城北

荔浦縣

金魚寺即滿覺寺在縣東宋元豐間重建以石甃
寺址如魚狀改今名

空湘寺在永蘇里宋建

壽聖寺在城東鄉龍窩古建

接引寺古壽山觀在縣北門外明弘治間建萬厯
間知縣蔡用魁重建

國朝雍正元年知縣姜濟泰於墟市修瓦鋪十間收
墟息為燈燭需

玉皇閣在鎮鄒關北宋建

崇善庵在城東南坡下

養濟院在接引寺左康熙五十八年知縣梁楷捐
建三間

修仁縣

迴龍寺在縣南康熙五年知縣李子實修二十五

年知縣胡挺松重修

梓潼觀在縣東郭高岡明萬歷間創建

國朝康熙二十八年知縣黎叶蓮重修枕東面西旁
倚修江觀前隙地廣數百畝有起春臺每歲立春
先一日里民演春於此

養濟院在西門外

昭平縣

萬壽寺在二五都明正德二年建

西山寺在昭平里宋淳祐二年進士陶希文建

永平寺在馬江里明萬曆三十四年重建

祝聖寺在恩來里

永福寺在上五都明隆慶四年建

國朝康熙四十五年重修

雲山寺在昭平里

寶勝寺在二五都明宣德五年建

玉樞宮在南門外明萬曆初設縣時建

國朝順治十八年重修

準提閣在南門外馬頭

觀音閣在南門外

養濟院在東門外

育嬰堂在西街

永安州

泗洲寺在州南一里明成化間建萬曆間改建於
州尾知州岳如厚有記

國朝康熙六年修二十六年知州鄧林尹重修

元妙寺在州北一里

仙臺寺在吳村寨山有兩石筍朝天建寺其下

元妙觀在杜莫寨城外獅子山上

觀音閣在州南二里

松山庵在金麻嶺上水由絕頂流遠庵旁茂松修

竹一州之勝

蓮花庵在二里寨

養濟院在城東一里

梧州府

蒼梧縣

附郭

慶林寺在府城北石鼓洞前明宣德間建嘉靖間
郡人馮承芳重修

光孝寺在城東二里雲蓋山麓唐時建宋元明俱
重修

國朝順治十五年守道陳宏業修

冰井寺在東城外冰井東明成化七年修萬曆三十一年稅監沈永壽請勅重建殿堂宏麗有勅賜藏經樓

德清觀在城內西北隅久圯康熙二十四年蒼梧道興永朝併天醫祠重建

白鶴觀在桂江西岸唐開元中建

文昌閣在城東繫龍洲上明萬曆間知府陳鑑建閣以扼通省水口

國朝康熙二十四年署驛鹽道王毓賢知府陳天植
重建五十七年知府范大士重修

準提庵在府城東門外朗吟亭西明崇禎間知府
袁文新建

養正庵在城南五里石橋村明萬歷末知府張養
正建并置庵田

國朝康熙五年知府黃龍率邑人重建

太平庵在桂江西北岸

養濟院在東門外

梵獨院三十間在城西北隅府倉前康熙五十九年署府黃之孝建收養無告窮民月給口糧於梧廠稅內支給

藤縣

飛來寺在縣西江外高嶺上

廣法寺在流杯橋右古鸞州舊址元建明洪武間重修

萬壽寺在城西靈贊祠右

廣惠寺在城東李白巖左

惠明寺在縣東南赤水鎮

養濟院在南門外雍正十年知縣楊世昌增建

容縣

龍興寺在縣城西北

景星寺在縣西

寶元寺在縣南二十里都嶠山右

開元寺在縣東

基真觀在縣西北大容山下昔有二仙奕碁於此
因名

養濟院在寧遠門外明萬歷四十八年知縣區龍
正建

漏澤園在西郊之北明萬歷間復建

岑溪縣

寧兆寺在縣東二里明萬歷間建

太平寺在大洞

善果寺在秧地村

香海庵在城西百花洲明崇禎間知縣錢夢蘭建
洲島縈洄松竹陰翳頗有佳致

國朝雍正五年知縣劉信嘉修

紫竹庵在南門外教場前

彌陀庵在墟地鄧公祠右

三官庵在曇畧村

西華庵在奇營

龍戒庵在縣東歸義鄉龍潭

養濟院五間在城東橋頭

漏澤園在城北明萬歷間建

懷集縣

金佛寺在登雲觀後明崇禎八年庠生羅奇杰張
中美等建

塔山寺在溪南天勝山麓明正統間移建城東永

安門外萬歷三十年邑士民募因舊址建復天啓元年邑紳阮悉重修又創觀音閣於寺後有記興會寺在沙田村明萬歷十三年里人重修

華光寺在西水里道士巖前踞花石洞天之勝康熙四十七年邑生員盧至伯募修

永寧寺在城西六十里雙石巖前

遊南寺在永固崗明永樂初里民徐安等重修俗稱橫岡寺

大鐘寺在獨週里

登雲觀在城北二里明萬歷間知縣李樹聲千戶
李義謀建崇禎間知縣李盤修

國朝康熙四年知縣鄒文郁重修四十六年僧普湛
募修

東嶽觀在東門外康熙四十七年邑人陳王業等
募修

真慶觀在城東二里

真武宮在縣北為祈雨所

六祖庵在河南一名石井明崇禎間知縣李盤建
有記

國朝順治十六年知縣許重華建準提閣於後

養濟院十間在城外西北離城半里明萬厯間建
後被侵佔

國朝雍正四年知縣陳廷嵩建復七年知縣江源修
漏澤園宋元豐間初立在城北一里

潯州府

桂平縣

附郭

報國寺在府城南門內大街東即觀音堂

西山寺在城外西山嶺上

東華寺在西門外

寶興寺在城東北隅

三寶觀在城南思陵山上

清真觀在城南白石山又名陽明觀有宋太宗御

書

祝壽宮在府城中

西竺庵在府城西門外

洗石庵在西山腰半

長生庵在城西一里

養濟院舊在城西燬今在北街城隍廟旁

平南縣

寶積寺在縣東明永樂間建

觀音閣在縣東一里

養濟院舊在城東後廢今設於寶積寺

賁縣

景祐寺在縣南山即南山寺唐武后賜經五千卷
建樓貯之宋仁宗賜額景祐禪寺咸平初賜太宗
御書二十四軸藏於此元順帝幸是寺書南山寺
三字賜僧為之匾明建文帝潛遊此寺有詩

萬壽寺在縣城西明景泰初重修

報恩寺在城東宋時建明永樂間重修

玄妙觀在縣西有宋宣和手詔刻石

玉皇閣在東關外五里

養濟院五間舊在西門外今移南門外

武宣縣

萬壽寺在縣北關外西隅

三清觀在北關外古有神鐘二其一飛往古蹟灘
與龍鬪夾石窟中聲鳴不絕後沙填實不復鳴

圓通庵古建康熙三十三年修

南寧府

宣化縣

附郭

天寧寺在府城西唐建名龍興明洪武間改今名
國朝雍正五年僧祖慧募修

宏仁寺在城西一里明萬厯間郡人蕭雲舉創建
國朝康熙二十九年左江鎮唐光堯等捐貲重修俱
有碑記

青山寺在城南十五里

羅山寺在城北二十里相傳葛洪置丹爐修煉於此明嘉靖八年副總兵張祐建亭其上名仙迹亭
護國寺在城內東南明萬歷間建

國朝康熙三十一年左江鎮唐光堯左江道吳中正
捐貲重建有碑記

三清觀在府城北宋建明正統間重修嘉靖十五年知府郭楠修復改建府城外之東

梓潼觀在府城北

龍溪觀在府北宋建

三官堂在城外東北三里明崇禎間建

國朝順治十年知府葛天驛修康熙四十五年左右江鎮標卽三異等捐貲重修有碑記

玄天閣在城外西隅其西匾曰嶺表通衢其南匾曰玄天寶閣旁有樓題曰寶月樓

白衣庵在城西門外明萬厯間建

國朝康熙四年左江鎮全節重修有碑記

西竺庵在城西門外康熙十一年郡人蕭元舉等重修有碑記

石臺庵在城南十里宋建明永樂間重修

準提庵在城西五里明建

國朝康熙四十七年郡人徐世昌捐貲重修

地藏庵在城西二里康熙五十三年士民施宗典等助貲重修

養濟院四十間在北門外白塔街康熙六十一年
知府黃之孝建

橫州

報恩寺在州城外北宋嘉定間建元至順及明永
樂嘉靖間俱重修佳勝冠於州治

國朝康熙二十四年重修

壽佛寺即應天禪寺在州南寶華山小坡上舊有
二禪師居寺常騎白鹿花虎明建文帝寓寺十五

年題曰萬山第一寺額壽佛禪林亦其手筆

龍興寺在城西一里明陳襄有龍興寺紀遊詩

玉虛觀在城內東隅宋時建

上思州

華光寺在州北門內

雲來庵在城東門外

圓通庵在東城外真武廟西

養濟院在三界廟側康熙二十三年知州戴夢熊

重修

新寧州

觀音寺在州西門外

三清觀在州東門外

文昌閣在三清觀北

隆安縣

興隆寺康熙二十一年重修

永淳縣

祝聖寺在縣城西明弘治間建

國朝康熙五十八年募修知縣凌森美匾其殿曰放
大光明有碑記

飛來寺在縣北陸離山畔木石完好不修亦不壞
養濟院三間在西城外康熙四十二年知縣徐鳳
池建

育嬰堂三間在西城外康熙五十六年建

太平府

崇善縣

附郭

積慶寺在府城北元天歷間建明洪武間重修

彌陀寺在城東明景泰間建正德間知府徐天澤修

國朝康熙九年知府高不矜重建

三清觀在府城東

養濟院二間在西門外康熙四十五年知縣王符

震捐建

左州

金山寺明時建

國朝康熙四十七年知州李銓修

永康州

觀音寺在州城東門外

育嬰堂在觀音寺旁

寧明州

真慶寺在思明廳治西元至元二十七年總管黃

克順創建明宣德七年知府黃瑠重修嘉靖七年
土官黃朝遷東隅

水月庵在東城外四邊魚塘架梁以濟

西竺庵在東湖上

準提庵在治東明江馬頭

三官堂在小西門內

觀音堂在西臺沼中舊名雲棲庵四面俱水頗稱
幽靜

江州土州

報恩寺明萬歷間建

國朝康熙五十九年修

下龍司

廣福寺在城東

三寶寺在城東

青龍庵在城東

鎮安府

歸順州

濱山寺在州治東

玉皇閣在州北

觀音閣在州北明萬歷間建

奉議州

觀音閣在州南門內明萬歷間建

向武土州

萬壽寺在州北順治十五年建

萬福寺在州前有土僧住持香火

都康土州

觀音閣在州治北郊外妙談山下

上映土州

觀音庵在州治西南

下雷土州

觀音寺在州城內康熙二十五年重建

柳州府

馬平縣

附郭

大雲寺在府城西南仙奕山下唐憲宗時刺史柳

宗元復建有記

天寧寺在城南天馬山即靈泉寺

開元寺在北門外劉賢良祠左宋建呂本中有柳
州開元寺夏雨詩明萬曆十三年重修

華容寺在府城內康熙二十年提督哲爾肯建

魚峰寺在立魚巖中

玉帝閣在府城鎮粵樓右

養濟院在北門外一里

雒容縣

報國寺在縣東郭外

福聖禪寺在縣東北西眉山

羅城縣

多吉寺在縣城北鳳凰山麓康熙四十年重修

方廣寺在縣西九里古柏蔥鬱

河沙寺在平東下里康熙四年夏旱禱雨靈應土人重修

永興寺在平東上里

豐安寺在縣東九里

安寧寺在布政里知縣于成龍重建

各賁寺在縣東一里

開元寺在縣西七里

玄帝觀在東門外一名梓潼觀燬於火康熙五年

知縣于成龍重建

柳城縣

龍嵯寺在縣北鄉明洪武初建

國朝雍正五年修

南山寺在北鄉古些里

感德寺在縣北關外

普照寺在東鄉比和里

功德寺在大社里舊縣村

金龜觀在北鄉東里

觀音閣在感德寺後

準提庵在縣西門外

融縣

廣化寺在縣三里下郭廂明嘉靖間建

恩壽寺在古頂村離城十五里

東良寺在縣東良村

高錫寺在縣高錫村離城三十里

高峰寺在縣四十里謝村

報恩觀在縣南五里宋時建

海會庵在水東長慶坊離城二里

回龍庵在海會庵側

懷遠縣

鞏城寺在縣北七十里明萬厯間建

國朝康熙二十九年知縣劉祖舜修

象州

景德寺在州城南明時建

寂照庵在州城東

來賓縣

龍洞寺在縣西十里有石佛高丈餘

金峰寺在縣南四十里

地藏寺在縣西三里

慶遠府

宜山縣

附郭

西竺寺在府城西關內舊名西明宋治平間改今
名明建文帝雲遊寓此

香山寺在南關內寺左有書院即趙清獻講院故
處

西華寺在城西七十里羊角山

福山寺在德勝鎮康熙三十年重修

大觀寺一在城西一在德勝鎮

壽山寺即三寶寺在河池所東北旁有梓潼閣石

門天橋境地幽雅

廣化寺在南山上有四賢堂祀宋馮京趙抃呂琦
黃庭堅四人

玄妙觀在府學東

元真觀在河池所東有鐘相傳能變化入水與龍
鬪所民以鐵索繫之不敢懸擊

觀音閣在府北江郡人高紳建并有梓潼像康熙
二十一年部堂麻勒吉重修

河池州

大觀寺在州東北康熙六年知州王玉麐建

飛來寺在降洛里宋建

國朝雍正七年修

觀音閣在城北康熙三十一年知州黃志璋修四十七年知州秦國輔重修

天河縣

湘山寺在縣城北宋時建

聖壽寺在方山康熙二十五年知縣黃潯修四十
六年知縣蕭敗重建

思恩縣

陳藤寺在縣北十里

景德寺在城外環江渡東宋時建

飛來寺在縣西北鎮寧鄉

觀音閣在城北明萬曆初建

國朝康熙三年知縣翁世庸修雍正三年知縣梁楷

重修

荔波縣

改隸
黔省

興化寺在縣城南一里

大士庵在南門外山巔

南丹土州

延壽寺明成化間建

永順正土司

多靈寺在司東八十里多靈山上南漢時建明末

圮

國朝康熙元年修復

思恩府

觀音堂在府南城外

水月庵在府南關外東河邊明建

國朝康熙初年修內有準提閣

武緣縣

三寶寺在縣東城康熙九年修

壽寧寺在縣南門外

羅衣寺在縣西永寧七圖

三清觀在縣東城內分司左康熙十一年修

靈水觀在縣南二里康熙十一年知縣莊振徽重建

養濟院在北門內明萬歷初知縣陳一厚建

國朝雍正六年知縣艾光紱重建

賓州

報恩寺在州東門外宋建舊名壽寧明洪武間改
今額

白鶴觀在州南三十里八景之一

養濟院六間在西門外

遷江縣

景福寺在縣東宋建

青霄觀在縣東南

上林縣

三教寺在縣東南古建

國朝康熙四十五年修知縣田灌碑記

勝業寺在縣西南一里中祀唐韋廐

玉虛觀在縣東宋建

養濟院三間在北街

田州土州

報恩寺在州東門外明正統間建

國朝康熙六十年土知州岑應祺修

玄帝觀在東門外

練山庵明崇禎間建

國朝康熙五十二年土知州岑應祺修

下旺土司

觀音庵在司右蓬山中甚靈應

舊城土司

崇真觀在司前一里明天順七年建

泗城府

大佛寺在府城隔江西岸明萬厯間建

國朝康熙五十六年土知府岑齊岱修

三清觀在府城南明崇禎間建

國朝康熙五十六年土知府岑齊岱修

養濟院在大街一層三間雍正八年知府祖良範
新建

西林縣

觀音寺在縣南門外

直隸鬱林州

賓相寺在州南門內元建明洪武間重修弘治間
復建陳昌有碑記

國朝康熙十三年知州孫蔭光重修

鳳凰寺在州西四十五里歐樟

寶山寺在州東南

圓珠寺在州北一百里龍平

善寧寺在州北一百二十里平陽

元妙觀在南門外一里

觀音堂在城南半里

養濟院在東門外一里康熙四十一年知州洪元
懋建二層八間五十八年知州劉斌修雍正五年
知州佟世俊重修

博白縣

宴石寺在縣城西南六十里南漢太守劉崇遠建
普明寺在城南唐元和間建

玄妙觀在城東明萬厯間知縣譚岳修

紫陽觀在城西南六十里

養濟院在東門外

北流縣

壽佛寺在縣東北元至正間建明萬厯間重修

元妙觀在壽佛寺西

靈寶觀在勾漏石峰

韜真觀在勾漏山南漢時建宋吳元美有記

六祖閣在東城外一里康熙四十二年邑人曹振宸倡率重建

養濟院在東門外康熙五十一年知縣萬蕭鐸修陸川縣

報恩寺在縣北

金霞寺在東巖山頂僧祥普建四山環繞清溪引流自寺後直通香積厨

元妙觀在報恩寺東

修竹庵在城東八里山谷中茂林叢竹占地頗幽
雅邑僧一清建

妙尚庵在城東十里泉石環對為邑名勝

三教堂在縣南

養濟院在北門外

興業縣

慶元寺在縣北城外

觀音閣在縣城外東

真慶宮在城外西一里祀玄帝

養濟院八間在城外東墟街康熙二十五年知縣
陳瑄建五十九年攝縣事梧州府通判程本毓修

廣西通志卷四十三

欽定四庫全書

廣西通志卷四十四

古蹟

粵西山水奇秀甲天下別詳紀載若夫名賢碩彥
宦遊之所經歷武功炳赫有如伏波銅柱仙踪靈
竅有如稚川勾漏文采輝耀有如顏延年書堂柳
子厚碑辭孝義可欽可慕有如漢丁郎故宅宋李
融州故里或蹟存而名著或其蹟已湮而述古者

尚艷心而弗置風流所寄視夫襄陽孟亭道州古
驛何軒輊焉仙人之石莫王之矛跡雖不經里俗
相傳存疑已耳至於青燐黃土沒世既久而禁樵
置守厚德垂焉可謂賢愚同盡乎志古蹟

桂林府

臨桂縣

附郭

始安故城漢置縣吳為郡梁後皆曰桂州宋南渡
為靜江明為桂林子城唐總管李靖築為門四周

三里十八步古外城周三十里大中間蔡襲築外
城北又有夾城周六七里光啓中都督陳環築舊
志獨秀峰及桂嶺皆在夾城中大畧包山并江以
為固遺址今多不存外城方六里宋經畧余靖築
元至正間更甃以石謂之新城即今府治 案莫
休符桂林風土記作陳可環

福祿縣在縣治東唐武德初析始安縣置貞觀中
省入臨桂

漢城在縣治東北相傳漢軍伐南粵時築遺址尚存

榕樹門即古南門在城西府學前郡人祀漢壽亭侯於上明楊基詩榕樹城門却倒垂即此也唐時築門上植榕一株歲久根節盤錯跨於門外若天成焉元至正間其樹忽枯平章額爾吉納祭之旬餘枝葉復茂明洪武八年展南城凡舊基皆毀而此門獨存上有亭正德間御史張鉞題為應奎樓

嘉靖初御史謝汝儀改名仰高

舊譙門宋尹穡有記

萬壽殿在獨秀山南元時以順帝潛邸建明改建
靖江王府第

蒙古字學在字民坊元延祐丁巳總管梁國棟以
解為學設教授學正各一員明罷之

舊貢院即舊學地騰仙門西南鮑同有記

顏延之故宅在獨秀山下中有讀書亭後改為興

福寺

宋之問故宅在府城南二里即元山觀後名真山
觀 案柳壁元山觀記景雲初之問左遷愛其地
清致卜軒榭之問歿夫人孫氏以為觀後五十餘
年夫人族弟倉部郎中成來為觀察命壁作記
趙觀文故宅在石城西門外舊址為臨桂縣學
虞沆故宅在雉山下沆字叔子嘗守雷州蓋北客
也避地於桂桂人陳方彥以其地畀之卜築尚書

孫觀詩序有萬山環立二水交流之句一時士夫
留題甚衆如副使陳亢經畧李彌大樞密路允迪
皆有唱酬

馬王臺在疊綠山頂五代馬寶建遺址尚存

獨秀臺在城上西北隅

熙春臺在八桂堂後

東樓在東江門上唐于邵有宴東樓序

南樓在轉運使廳前宋經畧使張栻記

疊綵樓在疊綵山風洞之右

魁星樓在府城上東南隅

國朝康熙二十一年巡撫范承勳建

譙樓在陽橋北大街明解縉書永鎮三江四字為額

儲書樓在城西南隅桂林書院後

逍遙樓在城上東北隅唐顏真卿書逍遙樓三大字刻於石宋崇寧元年安撫使程節重建改曰湘

南李彥弼記元平章額爾吉納新城碑在樓下

明遠樓在府治元時建虞集有記

榕溪閣宋黃山谷南遷過桂維舟榕下後人為作

榕溪閣張南軒劉克莊俱有詩

淪漪閣在城南宋陶弼有詩

崇陰閣在城上宋張孝祥有記

奎文閣在府學後元時建

圓通閣在東江門外

青羅閣在雉山寺宋孫覲有詩後經畧使張栻即
故址建禊亭

冷然閣在劉仙巖上

泛綠閣在揭帝塘之旁宋時建

藏圭閣在宣成書院

灘山閣在灘山明張鳴鳳有灘山閣醉歸記

桂林館在府治西宋靜江通判江應辰有記

八桂堂在府東北隅揭帝塘上宋紹聖中知桂州

程節治圃築堂有熙春臺流桂泉諸勝李彥弼為
記久廢又八桂堂在府治明守羅用誠建

五詠堂在獨秀山下讀書巖唐大厯中觀察使李
昌巖建學其下宋元祐間桂守孫覽考舊址建堂
并刻顏延之五君詠於內榜曰五詠

清簡堂在府治又有平易堂

桂山草堂在桂山麓明宗室朱靜菴建

燕清堂在巡撫署後明景泰間巡撫李棠建有燕

清八詠詩并序

懋德堂在獨秀山南明嘉靖間靖藩建潘思有記
雨華堂在龍隱巖東平劉無欲書雨華堂三大字
僧慧澄刻石

世節堂在龍隱巖宋嘉定八年二月莆田方信孺
新桂林西漕臺廳事為世節堂長沙易祓書三大
字扁磨厓於巖側

陽亭在文昌門外面灘山瞰陽江張南軒有仲春

過陽亭詩

瑞蓮亭在醫學西元廉訪經歷郭思誠建至元乙亥學前蓮池開有並頭者因以名亭

爛柯亭在隱山朝陽洞前內有石棋枰孫抗詩片石充棋局即此

大空亭在劉仙巖麓

國朝康熙二十四年巡撫范承勳建

超然亭在府城西山宋折彥質詩有疊峰斷續天

容缺高崑縈紆地勢慳之句

碧潯亭在城上東北隅唐大中初韋瓘建

巖光亭在華景洞之前有石棋局爛柯石唐元晦建

望江亭在疊綵樓之右明正德間太監傅倫建

粵亭在城北疊綵巖後唐元晦建元廣訪經歷郭思誠重建更名拱極刻宋朱晞顏詩於石後燬明正德間太監傅倫復建名拱辰宗璽為記

所思亭宋范成大建張南軒有所思亭海棠初開
折贈兩使者二絕句

碧虛亭在七星巖棲霞洞口舊名齊雲宋范成大
重建更名碧虛有銘

南熏亭在城北虞山寺左側宋張栻建後燬元平
章額爾吉納重建

銷憂亭在四望山麓唐元晦建

拱北亭在府城北明景泰五年建

癸水亭宋范成大以古記癸水繞東城永不見刀
兵因作亭於水上有癸水亭落成示坐客詩

蒙亭在伏波山巖之左宋嘉祐間經畧吳及建李
師中有記

光月亭在伏波山東北

卦德亭在隱山宋管湛建陳孔碩有銘

招隱亭在北牖洞之前宋詹體仁建

俟德亭在潛洞口宋嘉定中管湛建

拜表亭風土記北接碧潯南連望月東俯長河西
鄰雉堞尚書盧匡建

東山亭在城上東北唐建今廢一統志府之東門
有大亭枕江與望月樓相接案樓見縣志在獨
秀峰下

諸葛亭在寶積山上明都指揮使耿良建塑武侯
像於中所據最高桂城之景一覽可盡成化二十
一年太監劉景重修

朝陽亭在水月洞上宋乾道間僧了元建張孝祥有記

梅雪亭在舊府園中宋安撫機宜韓廷玉建張栻題額

訾家洲亭在城東二里訾氏故居唐元和十二年御史中丞裴行立建柳宗元為記刻石又有望月臺

駢驚亭在龍隱巖之左宋范成大建後廢明成化

庚子御史戴中總兵白玉復構亭其上更名怡雲
正德壬辰御史舒晟重修石壁鑄怡雲亭三字今
尚存

聽月亭在棲霞洞前

國朝康熙六年僧渾融建

雲崖軒在灘山南壁下宋方信孺建明萬厯間知
縣邵以仁於信孺所鑄詩前建屋榜曰古雲崖軒
因祀信孺及范成大提學劉應祺熊惟學總督劉

繼文相繼修葺

無倦齋宋建在經畧使廳事西張南軒有記

因而園在巡撫署內

國朝康熙二十一年巡撫郝浴建并記

仙人跡一在劉仙巖一在伏波巖

九疑山碑漢蔡邕文并隸書格古要論舊志云在

廣西今失考

桂林石瑞唐太宗時桂州獻石瑞文上有字曰聖

主大吉子孫五千歲

平蠻頌碑九域志唐李靖為嶺南安撫大使有平
蠻頌碑韓雲卿撰李陽冰篆額大歷十有二年立
舊志大歷磨崖在虞帝廟 案李昌巖任桂管觀
察破西原賊吏士為刻平蠻頌正大歷時即磨崖
石刻九域志所云平蠻為靖而碑立於大歷誤

雪崖二真書在灘山旁有佛像下鐫唐僧智深為
合浦令呂興造又朝陽洞三字宋張孝祥書水月

洞三字谿園居士書谿園者宋靜江倅吳億之別號

雉巖兩字在雉山劉晞書即里人隱居辰山者
仙李巖三大字在七星山洞宋李彌大書

宋張南軒尊五美章真書石刻在彈子巖右巖壁
上其郡文學長沙陳邕有跋云廣漢張公栻書於
桂林治事廳桐廬詹公儀之命鐫諸石俾凡臨民
者皆目擊心存力行無倦時淳熙甲辰冬至日

宋元祐黨籍碑在龍隱巖

宋狄青平蠻碑在龍隱巖外石壁

高州石屏記碑宋洪邁撰文朱晞顏跋刻於龍隱巖

招隱山三篆字在隱山范石湖書又招隱二大字張敬夫書

新開隱山記唐防禦判官吳武陵撰衙推韓方明八分書并篆額

明靖江悼僖王墓在城北堯山詳見本傳又諸王墓俱在山麓

明桂林衛鎮撫司張禮墓在城北拱極樓西

明廣西都指揮僉事楊觀墓在城東湓塘尾

明雲南按察使龍韜墓在城東三里將軍塘

明巡按北直隸監察御史劉琚墓在城西南教場側

明雲南按察使包裕墓在城西官田

明湖廣左布政使徐乾墓在城東豸山脚

明巡撫延綏都御使蕭淮墓在城東三十里東岸
村諭祭葬

明吏兵工三部尚書贈太子少保屠楷墓在城西
古塢山麓諭祭葬

明戶部員外郎李仲僕墓在城南十五里平山村
明太子太傅吏部尚書建極殿大學士贈太保呂
調陽墓在北關外獅子嶺諭祭葬

明巡撫南贛福建都御史殷從儉墓在城南十五里平山村諭祭葬

明應天府丞太僕寺卿張文熙墓在城東三十里垛錢山麓諭祭葬

明分巡雷瓊道按察副使洪敷誥墓在城東七里店

明應天府丞光祿少卿呂興周墓在城南二十里李家村

明廣西總兵官掛征蠻將軍印童元鎮墓在城南三十里白竹舖

明鎮遠知府張宗煒墓在城南六十里劉家莊

明兵部侍郎張同敞墓在城東六里竹橋村

國朝廣西鎮守將軍三等伯線國安墓在城南三十里楓林村

明義姑張氏墓在城北拱極樓西

義塚宋淳熙間經畧劉焞於南寨門外置南義塚

紹熙初經畧朱晞顏於通道橋側置西義塚命僧
看守刻碑記事元至正乙亥都元帥多爾戩命
西山資慶寺僧曇惠為萬丈塔在城北五里

叢塚桂林之俗拘忌俚術方隅日月小不合至服
除弗治宅兆宋乾道間范成大與民期約以秋八
月十五日皆葬所親否則即以不孝不道論至期
收葬者什九其無親識及子孫漂零者官為聚而
窆之於城北各以石揭其姓名不知為誰則云舊

在某所使後可訪混入穴中狼藉不分者尚數十
擔合二大塚為文祭之父老以其文刻石於西湖
隱山潛洞

靈川縣

古縣治在縣治東南五里

舊學基在縣西一里呂仙山之東元初遷於縣南
大象山之西至元二十九年復徙今地

大龍驛舊名銀江站在縣東元至元間鎮南王征

交趾所設者今半為民居半為古學基

大榕館在縣北三十里明建

枕流亭在滑石鋪十里旁有道鄉泉碑明萬厯間
知縣蔣一葵因宋鄒浩北還經過此賦詩有惟有
流泉聲似舊凭欄重聽響潺潺之句故名立碑亭
側

宋太宰李邦彥墓在縣西三里龍田巖之南

明應天府尹贈工部侍郎張孫繩墓在甘棠鋪

明潯甸知府張言墓在縣社山村

雙女塚在縣南四十里半雲山旁高十丈周圍二里俗傳舜二妃葬於此

普瓚塚瓚靈邑人為安南都護沒葬於壽聖寺之北寺即其舊宅

興安縣

古城在縣治西北隅遺址尚存又縣治北三十里亦有古城曰上城東城西城北城今莫考

臨源縣唐初置在縣治南鄉廖仙井之旁遺址尚存

全義城在縣治東二里居民猶稱全義坊唐柳子厚全義縣北門記即此地

秦城在縣治西南四十里旁有秦王廟蓋始皇二十有三年築以限越者城今廢廟尚存宋曹輔有詩

越王城在縣治越城嶺西南漢高后時遣周寵擊

南越越據險為城竈不能踰嶺即此

黃城在縣治西五十里相傳黃巢寇桂州時營壘於此遺址尚存

唐承裕故宅在縣北二十里五代時承裕移家於此里人至今呼為唐家宅

清風亭在縣西三里橋側

白雲亭在縣東一里

聽松軒在縣城中

素位軒在縣署明知縣周鳳翔建解縉有記

宋唐介祖墓在縣南龍山

宋安撫使蔣允濟墓在縣南八十里

元都事趙元隆墓在縣藍田弄山

陽朔縣

故城在灘水東二十里隋開皇中置

古樂州城在縣治南二十里白面村山下唐武德

間置樂州於此

熙平縣在縣治東北晉置後廢今縣治東北四十里有興平墟即其地以熙興聲相近而記

歸義縣在縣治西十五里寨山下唐武德間置貞觀八年省又壩州古城舊傳鄉民於農隙時教閱其中

曹鄴故宅在縣北一里龍頭山下又讀書巖在縣東寨山巖明解縉有詩曹學佺有記

讀書樓在縣學左臨江元時因宋萬雲亭舊址建

讀書樓周魯奇有記明成化間知縣楊綱重修布政黃鎬仍取萬雲二字額於樓

鑑山閣在縣南一里

碧蓮閣在學前

文會堂在縣學東宋建萬雲亭元延祐間縣尹嚴敬改立唐福有記

凌虛亭在縣北溪邊

仙人亭在都滿村彝山頂亭內列石桌唐時有劉

道人嘗於亭中彈琴曹鄴之有聽琴詩

莫王古矛案莫王龍城人因征戰後為神此地顯
應護國遂封王享祀血食當時所持之矛重百餘
斤尚插木巖

仙人棋在西門外碁巖山相傳異人嘗對局於此
徐正卿有仙人好博奕時下幽巖中一片蒼苔石
落花長自紅之句

吳威南將軍薛翊墓在威南山下

晉都督諸葛齊巽墓在白沙

宋進士諸葛文庚墓在蜜蜂巖山後

唐毛公墓在護國寺東貞觀中奉使交趾道卒葬於此

五代莫氏墓在都樂山下宋南丹酋長莫公晟及延甚皆其後

宋黎桓祖墓在縣東南白面寨江東一里桓五代時遁入交趾宋初封郡王

宋朝請大夫賜紫金魚袋莫知微墓在進賢里下
村

元達嚕噶齊墓在縣治後栗樹下有碑存字跡磨
滅不可識

明參議諸葛平墓在蜜蜂巖

永寧州

古縣唐分始安地置明洪武初改為古田隆慶間
又改縣置州故城在州治南三十里四山環抱

慕化縣晉常安縣地梁為梁化郡隋廢唐置縣宋嘉祐中省為鎮屬古縣今州治南有常安鎮

百壽巖石刻相傳廖扶家有丹砂井族飲此水者皆百歲宋紹定間知縣史渭因鑄百壽字於石崖明豫章人劉綆為叅將有詩刻於壁

永福縣

理定縣在縣治東四十里隋省唐復置宋遷清音驛在今縣治西北元遷權塘驛在今縣治西南明

正統中廢縣為堡嘉靖間知縣林天榮重築磚城
高三丈五尺延袤二百餘丈

王世則故宅在縣北鳳巢山之陽

忠義門在縣西毛峒里宋時為李琪立

甘泉亭在縣北遺址尚存

義寧縣

廣明縣在縣治東北唐末湖南馬氏置宋初廢今
有古城墟

唐子方故宅在舊縣前歷宋迄明屢經兵火不燬
國朝康熙五十三年其裔孫拆建於城內 案子方
初貶英州別駕後官叅知政事贈禮部尚書謚質
肅

義寧縣學四大字宋淳熙間張栻知靜江府按縣
至義寧書刻於石

屐齒痕在智惠江口石磯上江口有英顯公廟石
磯高丈餘長濶各五六尺平坦瑩潔屐痕宛然可

觀相傳為蜀漢將武當靈蹟

全州

零陵郡漢置後遷郡治於泉陵謂之小零陵隋廢入湘源縣故城在州治北三十里曰梅潭城址濠塹尚存俗稱改州

洮陽縣漢置隋廢入湘源故城在州治東北三十里即今改州灘

湘源縣在州治西七里即今柘橋隋置五代時馬

氏徙縣改曰清湘於縣置全州宋元皆因之明洪武初城廢

明經院在州西南宋淳祐中知州鄧均為唐德柄兄弟建

登春臺在柳山側宋守林岳建

碧梧臺在州西宋守林岳建并記

鎮湘樓即州城大南門舊名湘春樓宋守陳峴有詩景定初州守蔣季忠重建四年彭傑重修更今

名吳泰記

翔鳳樓在州學北鳳凰山脊明天順間僉事袁凱
建題曰逍遙後更名全寧正德甲戌州守顧璘重
建改今名

照紅樓在州圃其旁有萬屏樓

楚南偉觀樓在州城中一名高秋樓宋守陳峴有
詩

水月樓舊在城西二里慈恩寺旁宋端平甲午徙

於恩德鄉古雷洞去城一十五里

皆山閣一名萬象閣在州治旁宋紹興間清湘令
安圭建楊萬里記又有皆山亭

捲烟閣在州城西二里磐石寺山椒宋守劉學裘
建

朝京館在城東北三里宋寶祐五年州守梁均因
盍簪堂故基建趙希記

宜湘館在城東

率性堂在柳侯祠後宋守趙必愿建魏了翁記

雙松堂在州署中宋黃庭堅有詩

雙梅堂在州署北

讀書堂在柳山之陽

夫子燕居堂在柳山宋守趙必愿建後燬明州守
韓忠復建

近民堂在州治內東隅宋守曾穎茂建林壽公記
其西有中和堂仁壽堂

環秀堂在州圃中宋王安中書額劉岑作記

萬桂堂在州學東

甲亭在湘山嶺眺覽郡中如在畫圖宋守張孝忠有記

涵秀亭在湘山

漱玉亭在龍巖後宋守黃伸建以巖泉琤琮如漱玉故名

合江亭在望江門外完山上明守顧璘建又建有

瑞芝亭

欣欣亭宋李大異有詩二絕原注在全州作
濯纓亭在磐石宋折彥質有詩

依綠亭在州圃中宋守陳峴有詩

晚靜亭在蓮池上

攬翠亭在鎮湘門

雩亭在鎮湘門外

全勝亭在湘山

露勝亭在湘山半峰之間明正德甲戌州守顧璘建

鎮湘亭在宜湘渡

有本亭在柳山中

秋高亭在柳山之陽又有曲水亭俱宋守趙必愿增建

應泉亭在柳峰之半舊有達泉久涸明守顧璘浚得之并以名亭

侯賢亭在應泉亭上

甲峰亭在率性堂左下至極高明亭並明守顧璘
因宋林岵柳山書院遺址重修載張燦記 案舊
志作宋王禹偁建禹偁未嘗守全張孝忠甲亭記
有王黃州所謂江山猿鳥雲泉竹樹為天下甲此
亭皆具之語當以是誤

寸月亭在率性堂右張鑽有詩

熙熙亭在寸月亭後

詠歸亭在燕居堂下又有靜觀育德諸亭

翠光亭在能仁寺

魁瑞亭在洮陽驛傍蓮花池

廣利亭在歌陂潭

昇平亭在昇鄉文家橋

聚賢亭在昇鄉宜湘市

田心亭在平塘

廣濟亭在黃沙渡

孝誠齋在州學中

宋學士陶崇墓在昇鄉安道市翁仲石獸尚存

宋銀青光祿大夫刑部尚書唐承裕墓在城西官道覺山鋪下

明右通政使黃驥墓在柳山之原

明戶部右侍郎陳琬墓在湘山寺北仁壽山諭葬祭

明監察御史蕭珪墓在飛鷺橋南卸水嶺嘉靖戊

申知州王瑩之為立神道碑

明左僉都御史陳瑤墓在能仁寺南

明太子少傅兵部尚書張燦墓在勝全山諭祭葬

明少傅戶部尚書蔣昇墓在七里橋諭祭葬

明工部侍郎蔣曙墓在昇鄉柳浦巡司對岸諭祭葬

明工部侍郎蔣淦墓在昇鄉官道深溪鋪諭祭葬
明謹身殿大學士蔣冕墓在尹家塘諭祭葬

明總兵官武毅墓在長鄉玉柱巖側

明工科給事中姚伯善墓在湘山寺門內東隅天
順間奉詔採木嶺表道卒湘源葬於此

明廣東道監察御史太僕寺卿曹學程墓在湓塘
諭祭欽表孝子曹正儒附葬墓道

灌陽縣

觀陽縣吳置隋廢入湘源蕭詵復置唐初省上元
中復置在縣治西二十里雀兒山下

月岡公館在縣北六十里

四友堂在縣治西隅宋淳祐中縣令黃子成建江
萬里記

愛道亭在城北臺山頂邑進士李高建其南有觀
瀾亭亭西又有皆春亭

北亭在北門外二里

栢亭在縣城北三里古栢下因以名明知縣劉旂
有詩

石匱闕亭在縣北八里石匱歸樵為八景之一又十一里為南灣亭

赤頭岡亭在縣北二十里

思柳亭在縣城西三里通真巖後明全州守顧璘建

王樓山亭在縣西三里明顧璘建

曲水亭在縣北五十五里登瀛橋側與古昭義闕對峙石分曲字中可流觴昔人方之蘭亭

明碑在大覺寺載岳武穆討劇賊功其石光明如鏡十步外可鑑毛髮碎於兵燹文不能備錄

仙人跡在縣西三里王樓山上有二仙人跡宛如跣足影於石上

馬蹄石在縣南七里華山其上一大石方五六尺甚平正具四大馬蹄

明監察御史楊鰲墓在丁塘去城四十里

明監察御史李高墓在縣城二十里綿谷莊

平樂府

平樂縣

附郭

樂州本平樂舊縣唐初置後改為昭州宋大中祥符間徙州治故城在府治西南三里荔江口

孤州城即古州在府治東南四十里名勝志云相傳隋唐時築唐中書令崔元暉為武三思所譖貶古州司馬被殺於此

永平縣在府治東北東鄉里唐證聖元年割永平

鄉置宋開寶中併入平樂

茶城縣名勝志縣治津平里虎埠江口有廢茶城縣址

沙亭縣在府治東南十里唐武德間置貞觀間廢今走馬坪即其故址

崑崙城在府治東南四十里

鎮粵臺在城東一里今為壽佛菴

籌邊樓在城東南元萬戶劉克剛建至大四年徙

於城西南皇慶元年廉訪僉事呼圖克徙舊所後燬
國朝康熙三十一年知府陸鍾呂重建

三瑞樓在城西又名七松樓

捲雨樓在子城西

書雲樓在府城南

政平樓在府治前今改安定門樓元呂思誠有雲
護山容簷外立月將波景檻前浮之句

昭文樓在府學後明宣德十年建繪古勤學者於

壁以勸勵多士提學僉事何自學有記

寧遠樓即府城西門樓其北門樓曰鎮夷

鳴陽樓在舊平樂署內今屬學院署

鳳凰樓在鳳凰山巔太和宮前又有鳴岡亭攬輝

亭府志俱在鳳凰山

江樓在城東袁太常景星建著有江樓二十詠景

極幽勝

清華閣在城北仙宮嶺下宋鄒浩寓昭州時建有

記

來仙閣在仙宮嶺下舊名澹翠宋守王藻以鄒浩有偶向人間作謫仙忽然來此住經年之句故更此名

拾青閣在仙宮嶺宋鄒道鄉寓舍徐俯有詩

雙榕閣在府東二里江邊踞雙榕之間元秦竹山詩風撼雙榕老樹秋謂此

天繪閣在城北北山寺中宋鄒浩常居此

天繪亭夷堅志昭州瘴毒地而山水頗清婉郡圃
有亭名天繪建炎中郡守李丕以與金年號同欲
更之有范姓者為易名清暉後李視積壤中有片
石載邱寺丞濬所作記其畧云予擇勝得此曰天
繪取其景物自然也後某年月日當有俗子易名
清暉者可為一笑考命名之日與此不差其地在
西山寺前背依金嶺面瀕樂二水宋鄒浩有詩
明秀亭在城南門外元劉懷遠有詩明蔡雲翰有

記

十愛亭在城西北宋郡守梅摯建有十愛亭詩

梅公亭在城東宋梅摯建以昭州所為詩及五瘴
說刻石嵌於壁

觀風亭明嘉靖間副使伍箕有觀風亭寫興詩今
莫考其地

翺風亭宋鄒浩謫昭時嘗舍王進士拾青閣王於
山腰松竹深茂處築亭避暑浩為題此名有記

直節清踪亭在感應泉旁明成化中知府袁衷因舊亭改題此名又有直諫流芳亭嘉靖間建

點翠亭在灘樂二水間印山上又名印山亭明正統七年知府唐復建曹學佺有印山點翠亭落成詩

國朝康熙四十八年署縣事張載齡重建雍正八年知府袁承紉重修

逢年亭明崇禎間平樂知縣鄭圭建縣志未詳所

在今莫考

貞心亭在城北青獅山下明知縣鄭圭為所千戶
劉登凌建胡廷宴有詩

洞仙亭在仙宮嶺下

國朝知府楊榮蔭建環亭皆池池中遍植芙蓉為一
郡勝地

得月亭在城北即明唐吏部逸我山莊舊址

國朝康熙二十二年副總文養謚建總督吳興祚題

額

北山亭在城北明陳公相有詩

濺珠亭在城東滴珠巖俗呼接官亭

清香亭在平樂舊治內宋知縣楊汝濟建於亭外
鑿池種蓮州守吳繹題額

得志軒在仙宮嶺下木梁塘宋邑士張雲卿所居
鄒浩有記

拱北軒在仙宮嶺下宋鄒浩建自為記

宛在園甘坦齋別業在桃竹池之中央

梅園在天繪閣後宋鄒浩有記并作拱梅亭詩

金沙泉在府治東南隅即唐李商隱詩所謂繩爛
金沙井是也

鄒道鄉祠堂碑記宋張栻撰

魯般石在東鄉榕津渡相傳魯般所鑿

唐儋州司馬蔣季昶墓今莫考

明冢宰嚴起恒墓起恒山陰人明季死難藁葬南

寧青山桂王為立鑑湖先生石以誌後其次子文
馴扶櫬歸里經平樂裝盡不能歸遂葬於津平里
之楊梅村羣鴉數百遶墓而啼土人至今傳以為
異

明平樂守將朱旻如墓在城北得月亭西岡餘見
本傳

萬人塚在城西南更鼓灘上羅定都司吳錫綬等
戰沒處事見名宦傳

恭城縣

謝沐縣漢置隋廢水經注謝沐在馮乘縣西樂水
賀水及灌陽之觀水皆出其界 案今在縣境又
在賀縣境

故城唐置在縣治東鳳凰山下三面逼江廢址猶
存今名老縣基明成化十三年知縣夏瑋移徙黃
牛岡之原即今縣治

御史堂在城東五里宋周渭故居秀峰羅列溪水

環流去居里許又有御史臺即蟠駝石

馬跡石在縣北六十里石上印馬跡者三傍一石狀類人其色紅紫遇旱童子赤身以泥塗之即雨泥淨雨止鄉人春秋祀之

宋葉靖墓在縣西相傳去墓十里舊有大悲寺元豐初客有葉姓者宿於寺口占詩云明朝蓬島去白雲滿頭飛翌日未啓扃而人馬遽失時疑為靖云

富川縣

故城在縣治西南七十里鐘山下自漢至元皆因之明徙縣於靄石山前今廢為堡

馮秉縣在縣治東三十里去賀縣治北一百二十里漢置界內有馮溪因名唐析縣北地以入江華宋開寶間廢

綏越縣在縣治南梁置隋省入富川

龍平縣故址詳見昭平一作在縣牛廟寨後明嘉

靖間里民鍾秉釜掘地獲舊縣印於此

廣陽島石刻在縣一里巖洞邃深石壁絕高處有石成廣陽島三字遠望分明近視如擘絮狀

賀縣

臨賀縣即今縣治漢置吳為郡唐於此置賀州明初州廢

桂嶺縣在縣治東北漢屬臨賀郡晉改曰興安隋開皇十七年虞慶則討平李世賢於桂州將還潭

州臨桂嶺觀眺形勢謂此城險固十八年改縣曰桂嶺元末廢

封陽縣在縣治東南百里漢置在封水之陽故名即臨賀水也唐貞觀元年省九年復置宋開寶四年省入臨賀縣為信都鄉

蕩山縣在縣治西南梁置隋大業二年省唐武德四年復置宋開寶四年省入臨賀

望雲樓宋守黃尚賢建今莫考

清音閣在縣西五里宋守譚良佐建旁有瀑布巖故名

十箴堂在縣治內宋周必大十箴刻於石

中和堂在舊州治

荔枝亭宋守譚良佐建今莫考

青石在學宮側明崇禎四年修學掘得之高四尺五寸濶二尺五寸內生白線花紋邑之山水圖形隱然如見

銅鐘在三乘寺重千五百觔聲聞數十里上有大漢大寶四年九月辛酉製數字

秦碑在縣蒼梧門外龍母廟神乃秦人碑備述其靈異

烈女碑在縣廟中唐蘇許公筆

幽山丹甑記在縣西唐太和五年李邵撰

荔浦縣

荔州城唐置尋廢在縣治西四十里周數十丈高

文餘基址屹然

故縣吳置在縣治西永蘇里荔江之浦故名明洪武元年知縣馮宥始築土城濱於江尋徙後山即今縣治

永寧縣在縣治西北五十里吳曰永豐隋省唐復置曰豐水五代時湖南馬氏更名永寧宋熙寧四年省為鎮

崇仁縣在縣治西南唐武德四年置屬荔州尋廢

又澄賀縣在縣治西二十里基址猶存統志作澄河

楊文廣城在縣治西二十五里宋楊文廣征蠻過此築土城以居址尚存

獻花亭唐大中二年李德裕貶崖州司戶次荔州郵亭有數女執花來獻故名地莫考

芙蓉亭在縣南城外宋陶弼明劉澤有詩

表節亭在縣官渡南岸

鐵帽在小木巖之旁約重二百餘觔俗傳宋楊文廣征蠻時遺此歷年久遠光彩如新有治人利其鐵隨即昏斃鄉人有恙對鐵帽禱之輒應

鐵鎗在小木巖之後紅山之上俗傳楊文廣所遺莫王墓在縣西永蘇里

修仁縣

建陵故城在縣治西三里吳置

武龍縣在縣治西北唐貞觀初置屬晏州十二年

並省入建陵

青山公館在縣治東十五里青山坪

昭平縣

龍平古城梁置唐為富州治明初改昭平堡萬厯四年復置六年移還府江西岸即今縣治

思勤縣在縣治東北陶唐村之東南唐聖厯元年分置二年於縣置武安州開元二年州廢以縣屬富州宋開寶五年省入龍平

歸化縣隋初分置大業初與安樂博勞二縣並廢
唐武德四年仍置尋皆省 案寰宇記歸化在縣
治西北三十里安樂在縣治東北五里博勞在縣
治北三十二里

豪靜縣在縣治南百餘里梁置唐貞觀十三年省
入蒼梧

馬江縣在縣治東南梁置開江郡隋廢唐復置縣
寰宇記觀察使殷侑以馬援所開更名宋開寶五

年省今為馬江里

迎恩樓明萬厯間知縣冷茂松建後令蕭啓賢有
端午登迎恩樓詩

朝烟閣在應天禪寺之上與古鉢山對峙明萬厯
間邑人鄧國材建案山與寺俱在橫州

鎗蹄跡在陶溪傳有白馬仙姑顯靈於此鎗痕馬
跡俱存

龍平鐘在昭平里上鑄廣西龍平縣高村坊開慶

元年十二月造

飛來鐘在縣神武觀

宋樊相閣墓在寧化里

明三烈墓在縣東事詳列女傳

永安州

蒙州唐置領立山縣宋時州廢明初并廢縣成化中復置州曰永安遷今治故城在州治西六里濠址尚存

正義縣在州治西北唐置初名純義後改正義宋
熙寧五年省入立山

東區縣在州治東北唐置宋熙寧五年省入立山
嶺政縣在州治北唐武德四年置貞觀十二年省
立山縣在州治東北隋曰隋化唐改立山今城跡
尚存

文奎樓在州東南

仙人掌在州南三里迴龍村旁其掌長約尺許入

石約深一寸人輒以幼子姓名誌其上冀易長云
仙人跡在州南十里上下無路其中足跡五步許
光滑如有人行

米桶石又名印盒石在古眉峽去城三十里其石
內空如桶水湧沙滿其年大豐虛則年饑試之屢
驗

仙人石在眉江里石上指爪分明

飲仙石在大高村後石梯嶺石有源泉相傳神仙

跪飲其水石上印跡左膝跪右足立宛然可識
石鼓在龍定里不見形跡時時有聲如雷

古竈在州西三里鳳山上夜間時有火光閃爍如
燈

仙人鎗印在大路旁古心嶺相傳有三仙人各拖
一鎗經過鎗跡深入二尺餘並不生草

梧州府

蒼梧縣

附郭

猛陵縣在縣治西北漢置隋廢蕭銑僭號復置唐改孟陵宋開寶四年省

戎城縣在縣治西南二十里晉置曰遂城隋改戎城宋咸平四年省以其地置戎墟鎮即今戎墟村丹城縣一作農城在縣治西南劉宋初廢其地有銅山銅湖銅坵

寧新縣在縣治東南劉宋置隋廢舊志作新寧

歌羅城在縣治西南六十里隋開皇中賊李世賢

築以屯師處今廢

澄海營在城西北元置以居土軍今廢

朝臺在北岡上劉宋時築

棲鳳臺在嶺表書院後明翰林程文德建

南薰樓即府南門樓明富禮有賦今改天一樓

北望樓在府城東北

獨秀樓在府前子城上即德政門樓

陽明樓即府城東門樓

白鶴樓即府城西門樓

大雲樓即府城北門樓以上各樓俱

國朝康熙二十五年知府陳天植修建

六賢堂在府城東宋紹聖中知藤州李亨伯建祀

漢陳欽欽子元元子堅卿士燮燮弟壹子廩今廢

七賢堂在府城東門外宋紹聖中知藤州李亨伯

建祀漢郡守陳稚升喻猛陳臨吳滕牧唐刺史鄭

畋宋知州梁適陳執中今廢

習隱堂在城東

省心堂在城東北

迴瀾堂在城東外環長堤前臨清沼明知府陳鑑建

浣清堂在東門外水井寺前明成化時建後改梧
山第一

廣益堂在城北大雲門外三台山麓又有百花亭
案明蘇濬君子亭百字碑記蒼梧故有百花亭

久圯弗治郡大夫新之復鳩工為亭名曰君子

廣鑑亭在三台山上明嘉靖四十一年都御史張

梈建

閱江亭在平定橋南明萬曆三年總督殷正茂建
控粵亭在桂江西白鶴岡明都御史韓雍建有詩
漾月亭在城東明成化時建負東山跨鰐池水光
山色照映左右

漫泉亭在水井寺後唐元結建明正德十六年重

建葉盛有記

朗吟亭在城東元至正間建內有呂仙像故取朗吟飛過洞庭湖之句

一鑑亭在城東

嘉魚亭在城西南之江濱丙穴出嘉魚故名明韓雍有詩并序

鳳凰亭在永井山上

高明亭在城北慶林寺即韓襄毅四角亭址邑人

馮承芳建程文德記

拱一亭在城東

挹清亭在漫泉亭後山嶠之陽明正統間建

望仙亭在長行鄉郡人李喬木建

藤鼓張穆異聞錄韓雍征大藤峽賊截藤為鼓者
三總制及總兵留一其一在梧州鎮府府廢鼓棄
廡下風雨不壞搏之猶辛氣逼人

水井銘在府城東一里唐大曆十三年容州經畧

使元結過郡目曰水井為刻銘於石

漢士燮墓在府城西北四里詳本傳

唐桂州防禦判官吳武陵墓在府城桂坊橋有石刻云咸通二年七月五日吳武陵之墓

明桂王興墓在府城大江西南山麓高望村

明祁陽王墓在大江南岸五量地

明工部尚書吳廷舉墓在府城東十里界首山麓
諭祭葬

藤縣

古藤州在縣治河東勝槩坊風土記云今之龍母廟即其址

蘆州在縣治東五里得雋坊風土記在廣法寺前
鍾津縣在縣治東北晉置夫寧縣唐曰鍾津明初
縣廢今為富壽坊

安沂縣在縣治南晉置唐至德二年改為義昌宋
開寶三年省入鍾津

長恭縣在縣治西七十里唐貞觀二年置屬鸞州
尋省

寧風縣在縣治西一百里唐貞觀五年置宋開寶
三年廢

感義縣在縣治西一百二十里隋開皇十九年置
曰淳民唐武德七年曰感義宋開寶三年省入鐔
津

彌江鎮今為流杯橋

藤州儒學今為學嶺巔

環翠樓在縣南即藤江驛樓明洪武五年建繡江
鬱江二水匯流於左初名繡鬱後改今名

江月樓在縣治東

浮金亭舊在縣東山宋建紹聖間蘇軾南遷嘗艤
舟登焉元泰定間徙於東山下繡江之上費克忠
有記明萬厯六年知縣陳雅言重修

竹雨亭在縣東隅明崇禎間知縣梁昌建

馬鞍亭即軍閫敵樓在縣西

光華亭在南城與浮金亭對峙上有石刻宋秦觀像及詩

石壁在縣南二里高十餘丈俯瞰江流若赤壁釣臺之狀明富禮有詩

西嶽書在縣治內二堂之西唐李衛公布衣時上西嶽書蓋厭隋亂其志奮欲有為而浴之神明之辭也其書亦佳甚

唐刺史李堯臣墓在縣南葛披嶺

宋學士李奉政墓在縣東白石江西岸

宋祭酒李用諫墓在縣東古粒鋪

元尚書布延特穆爾墓在縣西登競村

明孝子余全墓在城南鴨灘

明御史萬祥墓在南山之陰

明副使喻漢墓在南山之陰

明大理寺正黃聚墓在縣西二十里例排村

宋秦氏雙女墓在東山之陰世傳秦少游僑寓滕
州雙女沒葬此

明節婦龍氏墓在縣西蓮洞村

容縣

普寧縣在縣治西三里隋置屬永平郡唐宋為容
州附郭明初廢故址猶存府志即容管故城在縣
治東半里

欣道縣在縣治東八十里隋開皇十五年置曰安

人十八年改寧人唐貞觀二十三年改欣道宋開寶五年廢

新安縣在縣治西北唐武德四年置貞觀十一年廢

宕昌縣在縣治西晉置唐武德四年改蕩為宕屬容州建中三年改屬禺州唐末廢

渭龍縣在縣治西南唐初析普寧縣置宋開寶五年廢

經畧臺在永安門外唐經畧使元結建

讀書臺在城東十里江之南崖上昔有漁人繫舟
崖下聞書聲朗徹及早登視無人因名

釣魚臺在縣西三里唐刺史韋丹嘗釣魚於此
遠意樓在舊州城南宋時建今廢

逍遙樓在縣東北

望野閣在舊州城上今廢

思玄堂在舊州治中宋守王慶曾建有記又建清

心堂今俱廢

友清堂在督府西

思賢堂在縣城南宋知州譚惟寅建祀唐守元結
王翊戴叔倫韋丹及前守王次翁今為南山書院
面面亭在縣西北大蓮塘上唐元結建

濯纓亭在縣西三里江上石平如砥有罇如紫玉
尊受水數斗元次山名之為霍尊水色澄澈似滄
浪故以名

繡江亭在縣西南江流橫陳諸峰環翠為登覽之勝明劉嵩有詩

寶子亭在縣城北

登高亭在縣城西

萬松亭在縣西北唐時建劉禹錫有詩

楊貴妃故里在雲淩里其井尚存詳山川志

景星寺碑唐黔州長史判都督事盧藏用撰并書

開元四年立

龍墳在城南明永樂間知縣彭清禱雨有應立廟祀之

岑溪縣

舊縣在縣治西五里遺址尚存後即其地為奇營今亦廢

南儀州在縣治西四十里唐武德五年置南儀州宋改南義熙寧五年廢

永業郡在縣治東三十里梁置尋改為縣唐初改

為安義至德中復曰永業宋省入岑溪今為永業鄉

連城縣在縣治東南五十里羅末村唐初析瀧州之正義縣置宋廢

新城在縣治西四十里垣址尚存鄉人呼為新城寨

叅將城又為大峒營在縣治南七十里明萬厯七年建設今廢址尚存

北科鎮又為望高營在城東六十里明萬歷九年
設領一十四營後廢

舊學址在城東二里

岑雄臺在縣北

振岑樓在縣北城上

逍遙亭在縣西鄧公山相傳明正統間羽人鄧子
真聚仙處

孝子碑在城東十里漢孝子丁密故居旁宦遊者

每過謁其祠村人苦迎送沉碑於水故金吏部有
可惜古碑沉水底之句

葛石相傳葛稚川割一片石置此

黃巢駐兵石在根子營下有數大字

龍城站在廢南儀州形似站

漢丁郎墓在蝴蝶山下 案即孝子丁密俗舊記
為蘭漢書丁蘭河內人明一統志誤

王墳在永業鄉係古猛墓

懷集縣

懷化縣一作懷遠在縣治東二十里晉末置宋廢
今名古城營

永固縣唐置開元初省在縣治東南務本里有永
固峒城垣舊基猶存

古威州在縣治西南獨週里唐武德中置尋廢今
龍岡驛即其遺址

潯水縣在縣治西北六十五里漢封陽縣地唐分

置武德五年以潯安縣置齊州至德二年改曰潯
水宋開寶五年廢

會仙臺在縣四門巖東

釣魚臺在縣南峰

望仙臺在縣沖天巖

達觀樓在縣城外溪南

爽陞亭在城北明崇禎十四年知縣李盤建

燕巖亭在燕巖洞口明李盤建

濟川亭在城西北明萬厯十一年建

平蠻碑亭在縣西門外明蒼梧道管大勲建有記
善政亭在縣西門外明萬厯間為知府陸萬垓知
縣陳一定建

古龍困在讜山大凹潭深不可測相傳有龍潛其
中遇風雨潭聲振作跳珠噴沫似有物從中出者
歲旱禱雨輒應

鞦韆石在三藏石南五里形如鞦韆峭直難上其

凹處有池上有異果



廣西通志卷四十四